

Հ. ԹՐԿԱՆ

ԷԶԵՐ ԱՐԱԲԱԿԱՆ ԱԶԳԱՅԻՆ ԱԶԱՏԱԳՐԱԿԱՆ ՇԱՐԺՈՒՄՆԵՐԻ ՊԱՏՄՈՒԹՅՈՒՆԻՑ¹

Դարեր շարունակ թյուրքական բռնապետություն տակ են գտնվել մի շարք ժողովուրդներ։ Նրանք տեական պայքար են մղել իրենց ազգային ազատությունը ձեռք բերելու համար։ Այդ ժողովուրդների ազատագրական պայքարը յուրաքանչյուր դեպքում ունենալով հանդերձ իր տեղական առանձնատկությունները, կաղմում է Մերձավոր Արևելքի ազատագրական շարժումների բաղկացուցիչ մասը և հենց դրանով էլ արժանի է լուրջ ուսումնասիրման։

Եթե մեր պատմագրություն մեջ հայ ազգային ազատագրական շարժման մասին խոսելիս համառոտ կերպով նշվել է բուլղար, հույն և սերբ ժողովուրդների պայքարը ընդդեմ օսմանյան բռնապետության, ապա գրեթե ոչինչ չի դրվել արաբական երկրների ազատագրական շարժումների մասին, մինչդեռ պատմական փաստերը վկայում են, որ արաբական երկրներում, հատկապես XIX դարի երկրորդ կեսում տեական պայքար է մղվել թյուրքական տիրակալության դեմ։

Ներկա հոդվածի նպատակն է ընդհանուր գծերով ներկայացնել այդ պայքարը։

Արաբական երկրներում ազգային ազատագրական շարժումները նկատելի կերպով աշխուժանում են XIX դարի առաջին կեսերից՝ հասարակական, գրական և կուլտուրական միությունների երեսն զալով, զխափորապես Սիրիայում։ Առաջին այդպիսի միությունը, որի մասին հիշատակություններ հասել են մեզ, հիմնվել է 1817 թվականին՝ Բեյրութում (այժմյան Լիբանանի մայրաքաղաքը)։ Այս միության հիմնադիրներից՝ Նասիֆ Էադլըին (ծնված Լիբանանում, դուղացու ընտանիքից) և Իուսրուս Բուստանին՝ հետադալում դարձան XIX դարի արաբական գրականության կառկառուն դեմքերը։ Միությունը կարճատև կյանք ունեցավ, դորձեց ընդամենը հինգ տարի։ Նրա ամենամեծ ծառայությունը եղավ այն, որ արաբ իրականության մեջ փորձեց ստեղծել կրոնքից և հարանվանություններից անկախ, համաարաբական, համազգային մի շարժում, որն ուղղված էր սուլթանական բռնապետության կողմից հրահրվող միջկրոնական, դավանաբանական երկպառակությունների դեմ։

Այն, ինչ որ չհաջողվեց իրադրծել հիշված միությունը, մեծ չափով իրադրծեց 1857 թվականին հիմնված «Ալ Զամայիյահ Ալ Իւմիյահ Ալ Սուրիահ» (Սիրիական գիտական բնկերությունը)։ Այդ բնկերությունը անդամակցեցին արաբական երկրների տարբեր խավերի ու հարանվանությունների պատկանող շատ հայրենասեր արաբներ։

Արաբ ժողովրդի ազատագրության հարցը համարելով իրենց առաջնահերթ խնդիրը, միությունն անդամները խոշոր աշխատանք կատարեցին

¹ Մի հատված համանուն մենագրությունից։

արարական ժողովուրդների լավագույն տրադիցիաների վերհանման, նրա դարավոր կուլտուրայի վերածնման ուղղությամբ:

Այս ընկերության գաղտնի ժողովներից մեկում առաջին անգամ արար իրականության մեջ կոչ արվեց ժողովրդական մասսաներին՝ պայքար ծավալել օսմանյան լծի դեմ: Միության անդամներից՝ Բրրահիմ Յազըջին (Նասիֆ Յազըջիի որդիներից մեկը) գաղտնի ժողովում կարգաց ճճադ հայ-րենասիրության իր ոգեշնչող բանաստեղծությունը: Այդ բանաստեղծության մեջ երգում էր արար ժողովրդի անցյալի փառքերը, գիտության, գրականության, արվեստի բնագավառում նրա ունեցած նվաճումները, և պարսավում էր արարների այժմյան պասսիվությունը, հետաձուցությունը, որը արտահայտվում էր հատկապես դավանարանական անխմստ պայքարում: Բանաստեղծությունը կոչ էր անում բոլոր արարներին՝ միանալ մի ազգային դրոշի տակ, աստտամբվել օսմանյան տիրապետության դեմ, թոթափել թյուրքական լուծը:

Հայտնի է, թե 1857—1860 թթ. լիրանանյան գյուղացիության ապրտտամբության ժամանակ վերոհիշյալ նորաստեղծ միություններ ինչ դեր խաղաց, սակայն փաստեր կան, որոնց համաձայն, երբ օսմանյան իշխանություններին հաջողվում է գյուղացիական կոիֆները վերածել կրոնական դավանարանական պայքարի, այսինքն՝ դրուդների և քրիստոնյա մարոնիների կովի, միություններ պայքար է ծավալում այս հակամարտություններ խրախուսող տարրերի դեմ:

Բուրժուական մի շարք պատմաբաններ 1860 թ. ջարդերը համարում են կրոնական հողի վրա ծավալված¹ կոիֆներ, մինչդեռ իրականում դրանք ունեցել են սոցիալ-տնտեսական խոր արմատներ: Այդ կոիֆներն սկսվեցին Լիրանանի գյուղացիների կողմից ֆեոդալ կալվածատիրության դեմ: Տվյալ դեպքում Լիրանանի ապստամբված շրջաններում գյուղացիությունը հիմնականում քրիստոնյա մարոնիներ էին, իսկ կալվածատերերը՝ մեծ մասամբ դրուդ մուսուլմաններ, այս հանգամանքը նենգորեն օգտագործվեց թե օսմանյան իշխանությունների և թե արևմտյան դադուծարարների կողմից, որպեսզի սոցիալ-տնտեսական հողի վրա սկսված պայքարը ներկայացնեն որպես կրոնական կոիֆներ:

1860 թվականի դեպքերը, անկասկած, անդրադարձան օսմանյան կայսրության հետագա քաղաքական կյանքի վրա, այն իմաստով, որ արևմտյան տերությունները, հատկապես Ֆրանսիան, ավելի ուժեղ կերպով սկսեցին միջամտել թյուրքիայի ներքին գործերին, Լիրանանին շնորհվեց մի տեսակ տեղական ճամտոնմիա:

Այժմ տեսնենք թե այդ ջարդերը ինչ անդրադարձում ունեցան ադատադրական պայքարի հետագա բնթացքի վրա:

1860 թվականից հետո արարական միությունները ավելի մեծ վճռականությամբ պայքար ծավալեցին կրոնական և դավանական ևրկպառակությունների դեմ:

Հետապնդելով նույն նպատակը, Բուտրոս Բուստանին, այդ դեպքերին անմիջապես հաջորդող տարիներին հիմնում է արարական առաջին քաղա-

1 Ֆ. Էնդելսի մոտ հայտնի դրույթ է, որ ֆեոդալիզմի դեմ ուղղված գրեթե բոլոր շարժումները արտաքինից բնդունում էին կրոնական զղեստավորում, դառնալով ադանդավորական շարժումներ:

քական թերթը «Նաֆիր Սուրիյահ-ն» (Սիրիայի սրափողը), բաց է անում գալրոց՝ «Ալ Մադրասա ալ Վատաննիյահ» (ազգային դպրոց), որտեղ և համ-ազգային ոգով է դաստիարակում բոլոր հարանվանությունների պատկա-նող արար երեխաներին: Հետեւելով Յազըջիի և Բուստանիի օրինակին, Միությունն ուրիշ անդամներ և այլ հայրենասերներ, թերթեր են հրատա-րակում և ազիտացիոն պայքար ծավալում նույն գաղափարների մասսա-յականացման համար, կոչ անելով լայն մասսաներին՝ համախմբվել մի ազգային դրոշի շուրջը ու ապստամբվել օսմանյան լծի դեմ:

Այս ձեռնարկություններին հաջորդող չորս տասնամյակներում (1868—1908) իրար հետևից կազմակերպվում են զաղտնի ընկերություններ, որոնք ընդհատակյա աշխատանք են ծավալում, առանց դառնալու քաղաքական ինքնուրույն պարտիաներ: Այդպիսի զաղտնի ընկերություններից առաջի-նը հիմնվում է Բեյրութում, 1875 թ. հինգ երիտասարդների կողմից, որոնց հաջորդում է կարճ ժամանակամիջոցում իրենց շարքերը ներգրավել տար-բեր դավանանքի պատկանող մարտունակ և հայրենասեր մի շարք արաբ երիտասարդներին:

Ընկերությունը իր ճյուղերը ուներ Դամասկոսում, Տրիպոլիում և Սայդոնում: Ընկերության գործունեությունը զաղտնի լինելու հետևանքով երկար ժամանակ նրա անդամների թիվը մնաց փոքր, ընդունվում էին միայն վստահելի և փորձված այնպիսի անձեր, որոնք ընդունակ էին միություն զաղտնիքները պահել և քաղաքական աշխատանք տանել:

Ընկերությունը կատարեց քաղաքական լուրջ աշխատանք: Նրա ան-դամները դիշերները պլակատներ էին տարացնում քաղաքի ամենաբանուկ վայրերում՝ կոչ անելով ժողովրդին դիմադրել օսմանյան իշխանություն-ներին՝ բոյկոտի, սարսափի և պայքարի այլ ձևերով խանգարել թյուր-քական կառավարության ձեռնարկած միջոցառումները: Պլակատները մեկ-մեկ ամրաստանագրեր էին՝ ուղղված օսմանյան կառավարության դեմ: Դրանցում մերկացվում էին կառավարության կամայականությունները, կոչ արվում ապստամբության:

Նման պլակատների երկան դալը, կենտրոնական իշխանություններին մատնում է շփոթություն: Սուլթանի անձնական կարգապահությամբ Գոս-տանդնուպոլիսից արաբական երկրներն են ուղարկվում հստակ քննիչներ, որոնք ձեռնարկում են հետաքննությունների, արաբ հայրենասերներին են-թարկում ուսերեսխոսներ, նրանցից մի քանի առաջավորներին բանտար-կում:

Հակառակ այս բոլորին՝ ընկերությունը շարունակում է իր գործու-նեությունը և միայն Աբդուլ Համիդի բռնակալության ամենախիստ օրե-րին, երբ այլևս հնարավոր չէր գործել, ցրվում է, անդամներից շատերը հեռանում են երկրից՝ ումանք դեպի Եգիպտոս, ուրիշները՝ Ֆրանսիա:

Ընկերության գործունեությունն մասին շատ քիչ փաստաթղթեր են մնացել: Նրա հիմնադիրներից զոկտ. Ֆարիս Նիմրը¹, որը 1883 թ. հեռացել էր Բեյրութից Եգիպտոս, ոմն Ժորժ Անտոնիուսի² խնդրանքով հայտնել է

¹ «Ալ Մուկտասաֆ» զիտական պարբերականի և «Ալ Մուկտասաֆ» հայտնի օրա-թերթի հիմնադիրներից մեկը:

² G. Antonius, The Arab Awakening, New York, 1939.

րնկերության անդամներէց 22-ի անունները և տվել մի շարք տեղեկություններ՝ այդ կազմակերպության գործունեության և պատկանելի բովանդակության մասին, տեղեկություններ, որոնք օգտագործված են մի Անտոնիուսի գրքում, մի քանի այլ փաստաթղթերի հետ միասին:

Ժ. Անտոնիուսի բերած փաստերէց երևում է, որ 1880 թ. հուլիսի թվագրութեամբ տարածված պատկաստում դատապարտում է արարների ցուցաբերած անտարրերությունը թյուրքական, բռնապետության նկատմամբ և կոչ է արվում վերացնել ներքին պալանական տարածաշնությունները, համախմբվել ու միասնական ճակատ կազմել բնոյցեմ օտարերկրյա հարստահարչներին: Այդ պատկաստի վրա նկարված է կղև մի մերկ թուր, որի ներքև գրված՝ հետեյալ նշանակալից խոսքերը՝ ՏՄրով միայն հնարավոր է մեր նպատակներին հասնել, եթե հաջողություն ենք ցանկանում, դա է միայն մեր միջոցը:

Երկրորդ պատկաստում օսմանյան իշխանությունները մեղադրվում են իրենց խոստացած ռեֆորմները չիրագործելու համար: Պահանջվում է ներքին անկախություն, տեղական ավտոնոմիա:

Երրորդ պատկաստում (1880 թ. դեկտեմբեր) շարադրվում է պայքարի դուրս եկած արարների քաղաքական ծրագիրը, որի հիմնական կետերն են՝

1. Սիրիայի և Լիբանանի անկախությունը.
2. Արարերենի ճանաչումը որպես պետական պաշտոնական լեզու.
3. խոսքի և մամուլի ազատություն.
4. Դպրոցների և կուլտուրայի տարածման ազատություն.
5. Արար գորակոչիկների զինծառայության կատարումը տեղում:

Այս երեք պատկանելի բովանդակությունից երևում է, որ րնկերության նպատակների մեջ, ժամանակի ընթացքում տեղի են ունեցել նկատելի փոփոխություններ: Սկզբում կոչերը բնոյհանուր բնույթ են կրել, եղել են օսմանյան իշխանությունների հանդեպ զժգոհություն արտահայտող գեղարացիաներ, սակայն, հետագայում գնալով դարձել են ավելի կոնկրետ, արտահայտել են արարական ժողովրդի ազգային ձգտումները, բնոյհույ մինչև քաղաքական ազատությունը:

Արարական ազգային-ազատագրական շարժումների պատմության մեջ այս գաղտնի կազմակերպությունը առաջինն էր, որ առաջ քաշեց պայքարի քաղաքական ծրագիր:

Արարական ազգային ազատագրական շարժումների մասին որոշ փաստեր հաղորդում են օտարերկրյա ժամանակակիցներն իրենց հուշերում: Գաբրիել Շարմն իր գրքում, նկարագրելով իր ճանապարհորդական տպավորությունները, ի միջի այլոց, հետևյալն է ասում... Տե՛կյրութում գտնված ժամանակա հանդիպել եմ մուսուլման երիտասարդների, որոնք մեծ եռանդով կազմակերպում էին միություններ, դպրոցներ, հիմնականում և այլն: Ուշագրավ է այն, որ այս բոլորը ամենեին չէին կրում կրոնական բնույթ: Միություններին մասնակցում էին նաև քրիստոնյա արարները¹:

Սի ուրիշ ֆրանսիացի ճանապարհորդ, որը շրջել է համարյա արարական բոլոր երկրները, սկսած հյուսիսային Աֆրիկայից մինչև պարսկական ծոցի շեյխությունները՝ խոսում է արարական երկրներում տիրող ան-

¹ Gabriel Charmes, Voyages en Syrie, Paris, p.p. 171—172.

հանգստություն մատին. բոլոր տեղերում էլ, ասում է հեղինակը, հանդիպեցի նույն համատարած զգացմունքներին՝ ատելություն թյուրքերի նկատմամբ: Իսկոթին ատելի այդ լուծը թոթափելու համար միասնական պայքարի անհրաժեշտության դադարիարը կարծես ծավալ է ընդունում մտքերի մեջ...¹:

Արաբական թերակղզում «... կազմակերպված քաղաքական պայքարի արամադրություններ են նկատվում...», հայտնում է իր հաղորդումներից մեկում՝ Ջեդդայում բրիտանական դիվանագիտական ներկայացուցիչը: Նա ասում է՝ «... Ինձ հայտնի է, որ ազատության դադարիարը հուզում է մինչև անգամ Մեկկայում ասպրող մարդկանց: Փառտեր կան, որ ինձ կոահել են տալիս մի ծրագրի գոյությունը, որի համաձայն որոշ շրջաններում ձգտում են միացնել Նաժդը և Միճադետքը Մանսուր փաշայի իշխանության տակ, իսկ Ասիրն ու Եմենը Ալի Իրն Այեդի՝ Թյուրքիայից անջատած:

Այս և բազմաթիվ այլ վկայություններից հետևում է, որ զժգոհություններ և ատելությունը օսմանյան իշխանությունների դեմ եղել է համատարած: Թյուրքական լուծը նույնքան ատելի էր Դամասկոսի, Բեյրութի և Կահիրեի արաբին, որքան գյուղի ֆելլահին, կամ անասպատի բեդևիին: Այս բոլոր տեղերում էլ զժգոհության պատճառն նույնն էր, թեպետև այդ զժգոհությունն արտահայտվում էր տարբեր տեղերում տարբեր ձևերով, մի տեղում դադանի միությունների միջոցով, մի ուրիշ տեղ՝ լուռ դիմադրության, այլուր՝ ավելի բացահայտ, ընդհուպ մինչև անգամ ժողովրդական հուղումներով: Այս բոլորով հանգերձ, տակավին չկար կազմակերպված դիմադրություն: Տարբեր վայրերում գործող կազմակերպությունները կապերը չափազանց թույլ էին, ուստի 80-ական թվականներին ծավալված վերոհիշյալ պայքարը օսմանյան լուծի դեմ զեռես չպիտի համարել կազմակերպված համաարաբական շարժումներ:

* * *

Համիդյան լուծակալությունը բացասական անդրադարձում ունեցավ արաբական ազգային ազատագրական շարժման հետագա ընթացքի վրա: Համիդյան ոստիկանական դաման ուժովը, նրա ստեղծած վախի ու սարսափի մթնոլորտը զեթ ժամանակավորապես թուլացրին՝ զադանի միություններին գործունեությունը: Միության անդամներից նրանք, որոնց հաջողվել էր խուսափել համիդյան դատաստանից՝ հետացան երկրից: Հենց այս պատճառով էլ՝ Արդուլ Համիդի իշխանության 32 տարիները ընթացքում, արաբական ազգային ազատագրական շարժման կասկակցությունը հիշվում է ընդամենը երկու անուն՝ Արդուլ Ռահման ալ Կաուակիրին և Նաժիր Ազուրին:

Ալ Կաուակիրին ծնվել է 1849 թ. Հալես քաղաքում: Նա եղել է XIX դարի արաբական ազգային շարժման ամենախոշոր պրոպագանդիստը: «Ալ-Նուայադ և Ալ-Մանար» թերթերում նա հրատարակել է ազատասիրական մի շարք հոդվածներ, որոնք հետագայում ամփոփվեցին երկու զրքերում

¹ Denis de Rivoyre, Les Vrais Arabes et leur Pays, Paris, p. p. 494–495.

² Public Record Office, F. O. 78/3415.

և առանց հեղինակի անունը կրելու, գաղտնի կերպով տարածվեցին արաբական երկրներում: Այդ գրքերից մեկը կոչվում է «Ումմ ալ-Կուրա» (Կուրանում Մեկկա քաղաքը անվանվում է նաև Կուրա), մյուսը ժառանգալ Բստիրգազ» (բոնուժյան ստորոգելները): Այս վերջին գրքում, որը հանդիսանում է լուրջ մի աշխատություն, հեղինակն իր ցատուճն ու ատելությունն է հայտնում համիդյան բոնուժյան դեմ¹: Ալ-Կաուակիրին առաջարկում է կազմակերպված պայքար ծավալել կրոնավորների խավարամուլուն և ժողովրդի տգիտության դեմ, վերականգնել արաբների անցյալի իրավունքները, խլամական աշխարհում: Ալ-Կաուակիրի կողմից մղված պայքարը նկատելի չափով հակազդեց Ջամալուդդին Ալ-Աֆղանի կողմից գլխավորված պան-խլամական շարժմանը, որը հովանավորվում էր Արդսւլ Համիդի կողմից և նպատակ ուներ թյուրքական ազդեցությանը ենթարկել ամբողջ խլամական աշխարհը: Սակայն, պայքարելով պան-խլամի դեմ, Ալ-Կաուակիրին հանդես չի եկել առհասարակ խլամական կրոնի դեմ, ավելի ճիշտ նա ձգտել է խլամի ազդեցության հարցում վերականգնել արաբական նախկին գերիշխանությունը:

Ալ-Կաուակիրին, պայքար ծավալելով բոնուժյան դեմ, հանդես է բերել որպես հումանիստ: Նա, փորձելով վերականգնացնել արաբների մոտ ազգային ոգին, վարկ տալ նրանց կուլտուրային, վերականգնացնել անցյալի լավագույն տրագիգիաները, հանդես է գալիս որպես արաբական ազգային շարժման նախապատրաստողներից, ուսմիբրաններից մեկը, սակայն Ալ-Կաուակիրի պայքարը միշտ էլ շարունակեց պահել իր խլամական բովանդակությունը, իր կրոնական բնույթը:

Այս ժամանակաշրջանի երկրորդ դեմքը նաժիր Ադուրին 1904 թ. Փարիզում հիմնում է Ligue de la Patrie Arabe բնկերությունը (Արաբական հայրենիքի լիգան), որը օսմանյան լծի դեմ ապստամբվելու կոչեր էր հրատարակում: Այս լիգայի առաջնահերթ նպատակն էր ձեռք բերել Սիրիայի և Բրաբի անկախությունը:

Նաժիր Ադուրին 1905 թ. Փարիզում հրատարակում է «Արաբ ազգի դարձնալը» (Le Reveil de la Nation Arabe) ֆրանսերեն լեզվով, իսկ 1907 թ. դարձյալ ֆրանսերեն լեզվով հրատարակում է «Արաբական անկախությունը» (L'Independance Arabe) անունով ամսաթերթը, որը մի տարվա կյանք է ունենում:

Առհասարակ Ադուրիի նախաձեռնած շարժումը արաբական երկրներում լայն արձագանք չգտավ, բնկերությունը արաբական ազգային ազատագրական շարժման վրա շատ չնչին ազդեցություն միայն ունե-

¹ Ալ-Կաուակիրի այս աշխատության մասին բննադատական հոդված կա (տե՛ս Oriente Moderno, Nr. 7, Luglio 1954), որտեղ հոդվածագիրը Ettore Rossi փորձում է ապացուցել, թե աշխատության բովանդակությունը մեծավ մասամբ Victorio Alfieri (խտալական ազգային շարժման ուսմիբրաններից մեկը) «Della Tirranide» (բոնուժյան մասին) գրքի հավատարիմ կրկնությունն է: Այնուհետև հոդվածագիրը ապացուցում է, որ Ալ-Կաուակիրին մեծ չափերով օգտագործել է Ժան Ժաք Բուսոյի մտքերը և Ֆուրիեի գրվածքները: Անկախ այդ փաստից, Ալ-Կաուակիրին խոշոր դեր է կատարել հենց նրանով, որ նրան հաջողվել է այդ ժամանակվա լուսավորիչների մտքերը մտցնել առաջավոր Ասիայի Միբրայի հոմկուսի բարտեղար և արաբական ազգային ազատագրական շարժման ամենահայտնի դեմքերից խալեդ Բեկտաշը: Ալ-Կաուակիրին համարում է XIX դարի արաբական ազգային ազատագրական շարժման ամենախոշոր դեմքերից մեկը:

յալով Եվ դա հասկանալի է։ Աղուրին, գործելով արտասահմանում և հանդես գալով օտար լեզվով, Վեր կարող մոտիկից կապվել արար ժողովրդի հետ, նրան հաղորդել իր առաջավոր գաղափարները, հուզել, պայքարի հանել նրան։

Այսպիսով, ինչպես տեսնում ենք, համիդյան բռնակալության ժամանակաշրջանում արարական ազգային ազատագրական շարժումը նկատելի չափով թուլացավ։ XIX դարի 70-ական և 80-ական թվականներից Եգիպտոսը, առաջին անգամ անջատվեց համաարարական ազգային շարժումներից և որդեգրեց իր համար ազգային ազատագրական պայքարի ինքնուրույն ուղի։ Եգիպտական ազգային ազատագրական շարժումը ուղղված էր ոչ այնքան Եգիպտոսում, օսմանյան իշխանության հետզհետե մարող ազդեցության դեմ, որքան Խրդիվ Բրմայիլի կողմից հովանավորվող՝ ծագումով օտարազգի՝ տեղական ղեկավարող կաստայի, ինչպես նաև նորամուտ անգլիական իմպերիալիզմի դեմ, որը երկրի օկուպացիան առաջին իսկ օրից (1882) ընտրել էր Եգիպտական ազգային էմանսիպացիան խափանելու ուղին։

Այդ թվականներից սկսած, Եգիպտոսում, ազգային ազատագրական շարժումը առավելապես հանդես է գալիս տեղական՝ Եգիպտական ազգայնական գունավորումով։ Ծիշտ է Բեյրութի և Կահիրեի միջև կապը շարունակվեց պահպանվել, արարական ազգային ազատագրական շարժման այդ երկու գլխավոր կենտրոնները շարունակեցին փոխադարձ ազդեցություն ունենալ միմյանց վրա, սակայն նրանց պայքարի նպատակներն այլևս նույնը չէին։ Սիրիան ձգտում էր ազատվել օսմանյան լծից և համաարարական անկախ պետություն ստեղծել, մինչդեռ Եգիպտոսի նպատակն էր ազատվել թե՛ անգլիական իմպերիալիզմի ճնշումից և թե՛ տեղական իշխանությունների լծից, խրդիվյան բռնակալությունից ու հաստատել անկախ պետություն։ Հենց դրանով էլ ազգային ազատագրական շարժումը Եգիպտոսում ինքնուրույն ուղի որդեգրեց՝ երկիրն անգլիական իշխանությունների կողմից օկուպացիայի ենթարկվելուց անմիջապես հետո։ Առաջին բռնկումը, որը զեկավարում էր Արարի փաշան, տեղի ունեցավ 1882 թվականին։

Եգիպտական ազգային ազատագրական շարժումն առանձնապես լայն դարգացում է ստանում առաջին համաշխարհային պատերազմից հետո, երբ իրար հետևից կազմակերպվում են քաղաքական մի շարք պարտիաներ։ Արդուլ Համիդը մեծ ճարպկությամբ շահագործեց արաբների մոտ գոյություն ունեցող միջկրոնական և այլ կարգի հակասությունները, հրահրելով նրանց տարածաշրջանները, ամեն կերպ փաշայներով նրանց մասնատվածությունը։

Բուրժուական պատմագրությունն ամեն կերպ ճգնում է ցույց տալ, որ իբր արարական երկրներում ազատագրական գաղափարները գերազանցապես մուսուլման գործել արևմտյան երկրներից։ Այսպես, Մ. Ստայնըըը՝ գրում է... այս դարթոնքի (արարական նացիոնալիզմի...՝ Զ. Բ. ազդյութը մուսուլմանությունը չէ։ Որքան էլ որ տարօրինակ թվա, ժամանակակից նացիոնալիզմը բխում է արևմուտքի ազդեցությունից։ Որով, արարական

» Այդ ժամանակ Դեկավար պոստերում հիմնականում աշխատել են ծագումով թյուրք գործիչներ։

նացիոնալիզմը՝ Սիրիայում, ավելի շուտ պարտական է արեմտականացած քրիստոնյա արաբին, քան մուսուլման տարրին՝, Լստ Մսալնրի այդ դա-
զափարները ներմուծել են ֆրանսիական և ամերիկյան միսիոներներն
իրենց դպրոցներով և տարածած գրքերով: Մինչդեռ իրականում, միսիոնե-
րական և զաղութային կաղմակերպութունները ինչպես ամեն մի երկրի,
այնպես էլ արաբական երկրների ազատագրական շարժումների թշնամիներն
են ևզել, ամեն կերպ օժանդակել են զաղութային պետությունների էքս-
պանսիոնիստական քաղաքականությունը:

Անգամ բուրժուական որոշ պատմաբաններ, ինչպես Ժորժ Անտոնիու-
սը¹, չարկադրված են խոստովանել, որ միսիոներական դպրոցները թմրե-
ցուցիչ, իր խոսքերով ասած զ... բթացուցիչ ազդեցություն են գործել...»
ազգային ազատագրական շարժման ընդհանուր կուրսի վրա: Ֆրանսիական,
ամերիկյան, անգլիական և մինչև անգամ իտալական ու գերմանական մի-
սիոներական կաղմակերպությունները չանդիսանում էին յուրաքանչյուրը
իր մայր երկրի քաղաքական ծրագրերի համար պայքարող կենտրոններ:
Նրանց հետապնդած քաղաքականությունը հիմքում ընկած էր արաբ երի-
տասարդներին օտարացնելու, նրանց մայրենի լեզուն, ազգային կուլտու-
րան մոռացնել տալու ձգտումը: Արաբներն լեզվի մոռացումը թուլացնում
էր արաբ ինտելիգենցիայի կապը ժողովրդի հետ և ֆեաասում ազգային ազա-
տագրական շարժմանը:

Ֆրանսիական կառավարությունը, հետապնդելով Մերձավոր Արևելքում
իր ազդեցությունը տարածելու քաղաքականություն, դրամական ու քա-
րուկյան ամեն տեսակի օժանդակություն էր ցույց տալիս այդ երկրնե-
րում գործող ֆրանսիացի միսիոներներին, որոնք իրենց գործունեությամբ
ֆրանսիական զաղութարանների առաջ հարթում էին ներթափանցման
ողորկ ճանապարհ: Հետապնդելով քաղաքական այսպիսի նպատակ, ֆրան-
սիական մոնոպոլիստները դաշն էին կնքել արաբ քրիստոնյա մարտիների
հասլվածի հետ և հանդես գալով մարտիների Վսաշտպանք-ի գերում մի-
ջամտում էին օսմանյան կայսրության ներքին գործերին:

Առաջնորդվելով նույնպիսի անտեսական նպատակներով, անգլիական
կառավարությունն էլ դարձել էր ինքնակոչ Վսաշտպանք գրուզ ընակ-
չությունը: Ըսկ գերմանական և ամերիկյան կառավարությունները իրենց
համար հենարան էին գտել հանձին իրենց կողմից ստեղծված բողոքական
զանազան սեկտաների:

* * *

Ինչպես հայտնի է՝ համիդյան բռնապետության գեւ էր ուղղված նաև
Երիտասարդ թյուրքերի շարժումը, սակայն ոչ մի գուզահեո չի կարելի
անցկացնել նրա և արաբական ազգային ազատագրական շարժման միջև:
Երկու շարժումներն էլ գեւ էին համիդյան ուժմիին, մինչդեռ նրանց հե-
տապնդած նպատակները արամադորեն իրար հակառակ էին: Արաբական
շարժման նպատակն էր ազատագրվել ամեն մի օտար ախրակալությունից,
Երիտասարդ թյուրքերի ձգտումն էր՝ անցնելով իշխանության գլուխ, հպա-

¹ M. I. Steiner, Inside Pan-Arabia, Chicago, 1947, p. 79.

² G. Antonius, The Arab Awakening, New York, 1939, p. 92.

տակ ժողովուրդներին պահել նույն կախման մեջ, փորձել ձուլել նրանց օսման ցիկներին՝ մեջ։

Այս բոլորով հանդերձ, 1908 թ. կոնստիտուցիան մեծ խանդավառությամբ դիմավորվեց նաև արարների կողմից, որոնք մեծ հույսեր էին կապում պետական այդ հեղաշրջման հետ։

Այս պայմաններում է, որ հիմնվում է Վելյուսի Այս և Արարի Այս Ութմանի՝ (Օսմանյան արարների և դրա յուրացումը), որի հիմնական նպատակներն էին՝ պաշտպանել կոնստիտուցիան, հավատարիմ մնալ սուլթանին, բարձրել արարական պրոպագանդան փնտրել, ապահովել արարական լեզվի և կրթության տարածումը և այլն. Ընկերությանը անդամակցեցին տարբեր խավերի պատկանող արարներ անկախ իրենց կրոնքից և դավանանքից։

Թյուրք-արարական այս համագործակցությունը սկզբից ևս չունեցավ որևէ տևալ հիմք։ Նոր պայմանների ընտրությունների ժամանակ Թյուրք-արարական բախումները այնպիսի սուր բնույթ ընդունեցին, որ բնկերությունը կորցրեց իր գոյության իմաստը։

1908 թ. օվյալների համաձայն օսմանյան կայսրության բնակչությունը հաշվվում էր 22 միլիոն, որից միայն 7¹/₂ միլիոնը Թյուրքեր էին. միջին արարների թիվն էր 10¹/₂ միլիոն՝ առանց հաշվելու Եգիպտոսը, որը նույնպես բաղկացած էր առավելապես արար բնակչությունից։ Չնայած այս հանգամանքին և կոնստիտուցիայում նախատեսված իրադրության արարության սկզբունքներն Երիտասարդ Թյուրքերը բնտրությունների ժամանակ դիմելով կեղծիքի, շանտաժի և բռնության այլևայլ միջոցներին՝ պայմանագրում անցկացրին 150 թյուրք զեպուտատ, 60 արարի դիմաց (բնդհանուր զեպուտատների թիվը ևզավ 245)։

Երիտասարդ Թյուրքերի այս քայլը բացահայտեց՝ կայսրության մեջ ապրող բոլոր ժողովուրդների իրավահավասարության վերաբերյալ նրանց գեղարացիների ու խոստումների ողջ կեղծիքը։

1909 թ. ապրիլ ամսին Երիտասարդ Թյուրքերի իշխանությունը տապալելու անհաջող փորձ կատարեց Արդուլ Համիդը։ Այդ փորձի ձախողման գործում վճռական դեր խաղաց ազգության արար գործարք՝ Մահմուդ Շեքիթը։ Կառավարական շրջանների ուսկիցիան դարձավ առավել մոլեգին։ Երիտասարդ Թյուրքերի կառավարությունը, վախենալով արարների քաղաքական աշխուժացումից, ջրեց բոլոր միությունները և հատկապես փոքրամասնություններին պատկանող կադմակերպությունները, որոնց թվում էր Վելյուսի Այս և Արարի Այս Ութմանին։ Այս և նման այլ միությունների արգելքը մղեց արար հայրենասերներին բնդհատակյա աշխատանքին՝ բնդգեմ Երիտասարդ Թյուրքերին՝ Համիդից ոչ պակաս գաժան իշխանություն։

Ընդհատակյա գաղտնի կադմակերպություններին դուգահեռ, այդ տարիներին, արարական ազգային ազատագրական շարժման ծավալման գործին մեծապես նպաստեցին արտաքուստ ոչ քաղաքական բնույթ ունեցող զրական-գեղարվեստական և այլ ակումբները։ Իրանցից իրենց գործունեությունը արար բնկան՝ Վելյ Մունտադա ալ Ադարին՝ (Երական ակումբ), որը հիմնվեց Գոստանդնուպոլսում 1909 թ. բարձրաստիճան արարների ու ուսանողների կողմից։ Թեև այս բնկերությունը արարական ազգային

ազատագրական շարժման մեջ մեծ դեր չկատարեց, սակայն արարական կուլտուրայի և լավագույն տրադիցիաների պահպանման գործում նշանակալից աշխատանք կատարեց։ Այնուհետև, ավելի ուշ, երբ օսմանյան կայսրությունը բաղկանալի և Լիվիայի անհաջող պատերազմների հետևանքով սկսել էր տերիտորիալ զիջումներ անել, արարները, ինչպես և այլ փոքրամասնությունների մոտ սկսում է առաջ քաշվել տեղական ավտոնոմիայի գաղափարը, ահա այդ պայմաններում է, որ 1912 թ. Կաշիրեում հիմնվում է Շէիզը Այ Լամարկադիյահ ալ Իդարիյահ ալ Ութմանիա (Օսմանյան ապակենտրոնացման կուսակցությունը) հիմնական նպատակն էր օսմանյան իշխանությունների ուժը թուլացնել՝ հատկապես կայսրությանը մաս կազմող արարական երկրներում և այլ վայրերում ձեռք բերել ներքին գործերի սրուշ ավտոնոմիա։ Կարճ ժամանակամիջոցում կուսակցությունը հաջողվում է իր շուրջը համախմբել արար հայրենասերների լավագույն տարրերին և դառնալ արարական ազգային ձգտումների կենտրոնը։ Նույն նպատակներն էին հետապնդում, ավելի ուշ Բեյրութում և Բասրահում հիմնված Վալ Բալահ (ռեֆորմ) անունը կրող միությունները։

Այս կազմակերպությունների հիմնադիրներին շատերը առաջին համաշխարհային պատերազմի տարիներին թյուրք իշխանությունների կողմից կախաղան հանվեցին։ Մինչև այժմ այդ խոշոր հայրենասերների հիշատակը հարգվում է արարների կողմից որպես ազգային դատի համար զոհվածներին։

Այս կազմակերպություններից՝ Շէիզը ալ Լամարկադիյահ ալ Իդարիյահ ալ Ութմանիա արարական ազգային շարժման գործում խոշոր դեր կատարեց։ Մինչև էսյա պարսիայի հիմնադրվելը, թյուրքական իշխանությունների դեմ արար հայրենասերների կողմից ծավալվող պայքարը տարվում էր անկազմակերպ։ Նրա ստեղծումից հետո պայքարի ձևն ու էությունը հիմնովին փոխվում է, այն բնորոշում է ավելի համակենտրոնացված ու կազմակերպված բնույթ։

Վերահիշյալ կազմակերպություններին դուգահեռ գործում էին նաև մի շարք գաղտնի բնկերություններ, որոնցից իրենց գործունեությամբ և նշանակությամբ հիշատակության արժանի են՝ Վալ-Կաստանիյահ-ը, Վալ-Դալիյահ ալ Արարիյահ ալ Ֆատատ-ը, Վալ Կաստանիյահ-ը, հիմնվել է 1909 թ., նույնպես Երիտասարդ թյուրքերի կենտրոնաձիգ քաղաքականությունը հակադրվում էր ապակենտրոնացման ծրագրով։ Նա պահանջում էր՝ օսմանյան կայսրության արարական պրովինցիաներում կազմել անջատ պետություն, առանձին պառլամենտով և տեղական ավտոնոմիայով, այլ պրովինցիաներում արարները դարձնել պաշտոնական լեզու, որպես թագավոր ճանաչել օսմանյան սուլթանին, մի խոսքով՝ թյուրքա-արարական մի կայսրություն, Ավստրո-հունգարական պետության օրինակով։

Վալ-Կաստանիյահ ալ Արարիյահ ալ Ֆատատ (Երիտասարդ արարների բնկերությունը) հիմնվեց 1911 թ. Փարիզում։ Այս բնկերությունը հետագանում էր արարական երկրների լրացարձակ և անվերապահ անկախությունը Պայքար ծավալելով օսմանյան լծի դեմ՝ միաժամանակ նա դեմ էր արևմտյան տերությունների հովանավորությունը։ Վալ Ֆատատը պահանջում էր լրիվ անկախություն և լրացարձակապես դեմ էր Շէիզիին և այլ կազմակերպությունների պահանջած մասնակի անկախությանը, չէնց դրանով

էլ, նա մի քայլ առաջ էր իր նախորդ բոլոր պարտիաների և կադմակերպությունների հետ համեմատած:

«Այ ֆատատի՞ք ազդեցությունը ազդային ազատագրական շարժման հետագա ընթացքի վրա՝ մեծ եղավ: Պայքարի իր նոր մեթոդներով նա դարձավ արարական այս տիպի ընկերություններից ամենամարտունակը: Առաջին համաշխարհային պատերազմի տարիներին ընկերության անգամներից շատերը թյուրքական իշխանությունների կողմից ձերբակալվեցին և ամեն տեսակի չարչարանքների ենթարկվեցին, սակայն նրանցից և ոչ մեկը ընկերության զաղտնիքները չհայտնեց, ու չզավաճանեց:

Վերջապես, այս ընկերությունների շարքին է պատկանում «Այ Հուրիյահ ու ալ Բախրաֆ» (ազատություն և համերաշխություն), որը թեև արարական ազդային ազատագրական շարժման մեջ մեծ դեր չի կատարել, սակայն հիշատակության արժանի է նրանով, որ իր մեջ միավորում էր թյուրքական իշխանություններից դժգոհ տարրերին, անկախ կրոնական և ազդային պատկանելիությունից: Նրա աշխատանքներին մասնակցեցին օսմանյան կայսրության համարյա բոլոր փոքրամասնությունների ներկայացուցիչները, անգամ մի շարք լիբերալ թյուրքեր, որոնք հիասթափվել էին Միլիտասարդ թյուրքերի քաղաքականությունից:

Նման ընկերությունների ամենաեռանդուն գործունեության չրճանում է, որ Փարիզում հումարվում է համաարարական ազդային կոնգրեսը, որը պահանջում է տեղական ավտոնոմիա, օսմանյան կայսրության արարական պրոպիեցիաների համար, ինչպես նաև մի շարք ուֆորիսներ: Այդ նպատակի համար կազմվում է ուֆորմի կոմիտե, որի նպատակն էր լինելու կոնգրեսի ընդունած որոշումների կենսագործումը: Սակայն կոմիտեն ոչ մի գործնական արդյունքի չի հասնում: Նրա անդամներից շատերը նույնպես առաջին համաշխարհային պատերազմի տարիներին ձերբակալվում են, իսկ մի քանիսը մահապատժի ենթարկվում:

Առաջին համաշխարհային պատերազմի տարիներին օսմանյան կայսրության և նրա գաղնակիցների համար արար ազդային շարժումը անհանգրստության լուրջ ազդյուն էր: Այդ հանգամանքը պետք էր, որ օգտագործվեր և իսկապես օգտագործվեց Անտանտի տերությունների կողմից, որոնք Մերձավոր Արևելքում իրենց ազդեցությունը ուժեղացնելու համար փորձեցին հանդես գալ արարական ազդային-ազատագրական շարժումը «հովանավորողի» դերում:

Սուլթան Խալիֆի սրբազան պատերազմի (Ջիհադի) հռչակումը, եթե խոր արձագանք գտնել արարական երկրներում, հավանական է, որ ողջ իսլամական աշխարհը անցներ Անտանտի թշնամիների կողմը:

Հեջազի Շարիֆ Հուսայնը դեռևս վերջնականապես չէր կողմնորոշվել այդ հարցում, երբ «Այ ֆատատի», որի իր կենտրոնը փոխադրել էր Դամասկոս, զաղտնի պատվիրակ է ուղարկում Մեկկա՝ հրավիրելով Մեկկայի իշխանություններին՝ միանալ և կազմել արարական գիմադրության մի ընդհանուր ճակատ: Թե «Այ ֆատատ» կադմակերպության անդամները և թե Շարիֆ Հուսայնի կողմնակիցները, թյուրքական լծից ազատվելու իրենց բոլոր ցանկություններով հանդերձ, բացարձակապես գեմ էին եվրոպական իմպերիալիզմի գերիշխանությունը: Դամասկոսում կայացած «Այ ֆատատի» զաղտնի ժողովներից մեկում, որին ներկա էր Հուսայնի որդիներից Ֆայ-

սալը, հետևյալ ձևով է դնահատում՝ զրույթյունը, Թյուրքիան պատերազմի մասնակից դառնալու հետևանքով՝ օսմանյան կայսրությանը մաս կազմող արարական պրովինցիաներին լուրջ միտանգ է սպառնում, ոչ մի ճիշդ չափ-տի խնայել ձեռք բերելու համար այդ պրովինցիաների ազատագրումը և անկախությունը: Միաժամանակ որոշվում է, որ եթե եվրոպական տերու-թյունները մերձեն իրենց ազդեցությունը տարածել արարական երկրնե-րում, ընկերությունը հարկադրված պիտի փոխի իր դիրքը և անցնի թյուր-քերի կողմը, պայքարի օտարերկրյա ներթափանցումների դեմ:

Անցյալում թյուրք-արարական կոնֆլիկտները միշտ օգտագործվում էին արևմտյան տերու թյունների կողմից՝ միջամտելու համար Թյուրքիայի ներքին գործերին, որը ոչնչով չէր նպաստում արարների ազդային աղա-տադրական պայքարին: Ելնելով այդ մերձից՝ արարական ազդային-աղա-տադրական շարժումները ղեկավարող գրեթե բոլոր միությունները սկզբնական շրջանում չեղադ գիրք են բռնում և կամ կողմնորոշվում են դեպի զգուշ և չափավոր քաղաքականությունը: Մինչև անգամ Ազիզ Ալին¹ խիստ զգու-շացնում է Վել Ահմադ բնկերության անդամներին և կոչ անում գեոկս չա-պրատամբլիկ թյուրքական իշխանությունների դեմ, քանի որ այդպիսի գեպրում կայսրությանը արարական պրովինցիաները կարող էին ընկնել զաղութարանների գերիշխանության տակ: Արարներին այս դիրքավորումը վկայում է, որ նրանք մի կողմից ասում էին թյուրքական լուծը, մյուս կողմից կասկածանքով էին վերաբերում արևմտյան իմպերիալիստների հետագա գիտավորությունների նկատմամբ:

«Այ Ահմադ բնկերությունը Վել ֆատան» ընկերության քույր կազմա-կերպություն էր և գործում էր բանակում: «Այ Ահմադ» ընկերության ազ-դեցությունը օսմանյան բանակի արար սպաների մոտ այնքան մեծ էր, որ անգամ Ջեմալ փաշան իր հուշերում այդ կապակցությամբ հետևյալն է ասել՝ «... եթե օտարերկրյա խնտրիզների հետևանքով այս շրջանի կայա-զորում ապստամբություն ծագեր, ապա այն զսպելու համար ոչ մի հնա-րավորություն չկար և կասկածից դուրս էր, որ այդպիսի գեպրում Թյուր-քիան արարական իր բոլոր պրովինցիաները պիտի կորցներ»²: Այստեղ պի-տի նշել, որ այդ բանակի սպայակույտը, այդ ժամանակ, բաղկացած էր տասնվաղակս արարներից:

Մինչ այդ, Շերիֆ Հուսայնի և Անտանտի տերությունների, սովյալ գեպրում Անգլիայի միջև բանակցություններ էին սկսվել արարական եր-կրրներում թյուրքական իշխանությունների դեմ դիմադրություն, մինչև անգամ գինված ապստամբություն կազմակերպելու համար: Այդ առթիվ «Այ ֆատան»³ և «Այ Ահմադ» միասին մի արձանագրություն են կազմում, որի մեջ մանրամասն նշում են այն միջինում պայմանները, որի շրջա-նակներում արարական ազդային ազատագրական շարժման լիզերները հա-մաձայն կլինեին համագործակցել Անգլիայի հետ: Այդ սխառաթղթում պա-հանջվում էր մի այնպիսի բացարձակ անկախություն, որտեղ օտար-

¹ Թյուրքական բանակի նախկին գեներալ, ձերբակալվել և հալածանքների էր են-թարկվել թյուրքական իշխանությունների կողմից՝ արարական ազդային-ազատագրական շարժման մեջ իր ակտիվ գործունեության համար:

² Jemal Pasha, Memories of a Turkish Statesman, London (undated).

հրկրյա ամենափոքր միջամտությունը, անգամ կապիտուլյացիոն որևէ ուժի մ, չպիտի հանդուրժվեր: Այս որոշումը ուղարկվեց Շարիֆ Հուսայնին. որպեսզի այն հիմք ծառայեցնի իր հետագա բանակցություններում:

1916 թ. հունիս ամսին արարական ղինված ապստամբությունը նախատեսված մասշտաբներով տեղի չունեցավ: Շարիֆ Հուսայնի մշակած ծրագրի համաձայն, ղինված ապստամբությունը սկսվելու էր Սիրիայում և Հեջազում համատեղ, և զուգակցվելու էր Ալեքսանդրետում Անտանտի ուժերի դեսանտային գործողություններին, թյուրքական ուժերը ակցանի մեջ առնելու նպատակով: Այնուհետև, հարձակվողները, շարունակելով իրենց հարվածները պիտի ուղղվեին դեպի Արևելք՝ Իրաքը ազատագրելու համար: Սակայն, վերջին բուլենին Անտանտը, հրաժարվելով այդ ծրագրից, թողեց Հուսայնին, որպեսզի առանձին հարձակվի Հեջազի թյուրքական կայազորի վրա, որով և ապստամբությունը կրեց տեղական բնույթ: Հետագայ իրադարձությունները ցույց տվեցին, որ Անտանտը այդպես վարվեց, որպեսզի Շարիֆ Հուսայնին առաջավոր Ասիայի արարական երկրների նկատմամբ իր ունեցած հավակնությունները չընդարձակի:

Մինչ այդ, թյուրքական բանակի արարական ճակատի ընդհանուր հրամանատար և ռազմական կառավարիչ Ջեմալ փաշան Սինայի ճակատում իր կրած պարտություններից կատաղած, իր անհաջողությունների համար սկսեց ամբաստանել արարներին, հետապնդելով արար հայրենասերներին, նրանց ենթարկել ամեն տեսակի խոշտանգումներին:

Ջեմալ փաշան սկսեց իր ռազմագործումը բանակից: Ու երբ էնվելը 1915 թ. հունիսին Գելիպոլիս ճակատի համար հավելյալ ուժերի կարիքն էր զգում, Ջեմալ փաշան, այդ պատենությունից օգտվելով, իսկույն և եթ Սիրիայից ուղարկեց 25-րդ դիվիզիան, որը հիմնովին արարներից էր բաղկացած ու հանդիսանում էր ժել Ահմադ կազմակերպության հենարանը: Հետագայում նույնպես, ամեն մի առիթով նա ուրիշ ճակատներ ուղարկեց արարներից բաղկացած զնդերը և առավել ևս արար սպայակույտը: Բր հարձակումներն ուղղվելով քաղաքական մյուս կազմակերպությունների դեմ, Ջեմալը ձերբակալել տվեց բոլոր արար հայտնի դեմքերին, անկախ այն բանից, որ նրանք ազգային ազատագրական շարժումներին մեջ ակտիվ գեր կատարել են, թե ոչ: Նա ձերբակալվածներին ենթարկեց ամեն տեսակի չարչարանքների՝ կեղծ խոստովանություններ ձեռք բերելու համար: 58 հայրենասեր արարներ մահվան դատապարտվեցին, որոնցից 45-ը ի բացակայության, որովհետև գտնվում էին արտասահմանում: 1915 թ. օգոստոսի 21-ին Բեյրութի գլխավոր հրապարակներից մեկում 11 հայրենասերներ կախաղան հանվեցին:

* * *

Պատերազմի տարիներին, արարներն իրենց կողմը ներգրավելու և օսմանյան կայսրության թիկունքը թուլացնելու նպատակով Անտանտի պետությունները արար ժողովրդի ներկայացուցիչներին շտալեցին կեղծ խոստումներ:

Այդ քաղաքականության համար բնորոշ օրինակ է հետևյալ փաստը: Պաղեստինի տերիտորիան նրանք խոստացել էին Հուսայնին, հետագայում կազմվելիք արարական ֆեդերացիայի որպես բաղկացուցիչ մի մասը, միև-

նույն ժամանակ այդ նույն տերիտորիան նրանք խոստացել էին հրեա սիրահարներին, որպես այդ ժողովրդի Շաղգալին օջախը՝ առանց մերժելու նաև այն հավանությունը, որ ուներ Անգլիան նույն այդ տերիտորիայի նկատմամբ, որպեսզի Սուեզի ջրանցքի ձախ ավին ըրիտանական կայսերական ճանապարհների վրա մի նոր ամրոց ու հենարան ապահովի:

Երբ պատերազմը ավարտվեց Անտանտայի պետությունների հաղթանակով, և երբ չկար այլևս արարներին սիրաշահելու սույն անհրաժեշտությունը, անգլիական և ֆրանսիական իշխանություններն իրենց խոստումները մոռանալով, ավարտ միմյանց մեջ բաժանելու համար՝ մտան սակարկության: Այդ խիստ սակարկությունների (որոնք առանձին ղեկավարում վերածվեցին լռիչ հակամարտությունների) հետևանքը եղավ մանդատների և առանձին արարական կախյալ պետական միավորների ստեղծումը, ազգային հարցի մի լուծում, որը տրամադծորեն հակառակ էր արարական ժողովուրդների ազգային ազատագրական ձգտումներին, այն պայքարին, որ արար ժողովուրդը երկար տարիներ մղել էր և այժմ էլ շարունակում է մղել իմպերիալիստական օտարերկրյա զաղուխարարների դեմ: